

卷之四

海日樓初稿

越人葉維榮春卿甫撰

文部

啓目

上魯王啓

謝魯王遣祭啓

上張洪陽老師啓

上相公啓四首

上太宰啓

卷之十八
上趙大司寇啓

上葉司空啓

上總督倉場啓

上司馬啓

上河道尚書啓

請揔督啓

復蕭揔督

上督府啓

上新撫臺啓

請撫臺啓

上撫院啓二首

謝河南撫院啓

候河南按院啓

迎按院啓二首

復葉開府

復劉開府

上李老師啓

上劉乏陽巡撫啓

啓劉方伯二首

賀李太僕遷通政啓

請鄒太史啓

啓馮太史

啓唐吏部

啓王臨漳

啓韓都諫

啓陳都諫

請按臺黃老師啓

啓鶴陽周老師三首

請座師啓

請衆道長啓

上東霍沈道尊啓

復查兵憲啓

請何父母老師啓二首

啓張太府

啓蔡肖蕪公祖二首

復陳民部啓

復袁了允啓

啓汪州尊

答于司理

啓方司理

復方司理

啓劉司理

啓潘星海學師

復尹嵩縣

復徐巴縣

復蘇清遠

復錢麻城

復徐臨安

賀諸進士啓

迎山西諸進士啓

迎學憲啓

詹炎集卷之十八



兩世華袞百年雖草木猶覺其生光即川原亦為
之動色似茲宏鉅曷報涓埃逝者啣恩當嘖嘖嘯風
之不寐貌諸佩德誓戴天履地以難忘謹北向稽
首拜領具啓以聞

上張洪陽老師

伏以八柱建坤維拱極長標泰華三台承帝座
調元妙濟鹽梅慶溢門墻榮分簪組恭惟老恩師
台座下道德孔顏曾閔勲猷稷契瓊龍補袞濟川
碩膚共歸赤舄吐哺握髮彙征式頌青莪蓋燮理

在陰陽之先而陶冶盡生成之類某也材慚下駟
學謝中人桃李成蹊特特雨暘之大德箕裘未墜
尚緣弓治之宏恩是以犬馬遠戀于黃扉自思木
石獨蒙其青眼感同高厚望切雲霄庇有二天寵
深一顧臨書悚息馳戀不宣

上相公啓代

伏以天地化生普無心而造物陰陽陶鑄胥有識
以懷恩德重殊榮感深非望恭惟佐今堯舜邁古
臯夔宣二百載之皇風中興有赫衍億萬年之歷

服至治無疆不惟為天下而得人抑且向塵中以
拔士謂斷樗難棄溝中立起而青黃雖散木必收
爨下頓諧宮徵式弘周道廣闢虞門如其者幸托
宮墻慚非莢李自沉行伍尚有蓬心敢待效以方
未懼不勝于疆吏乃賜環忽至遂晉藩司况身隸
京華密邇遂台光之仰而職惟錢穀優悠適吏事
之稀蒙此登庸實為異數願念位大才小益慙息
重報輕歆宣揚覆載之寬辭雖不逮畝輸委山河
之廣志則有餘或收效于毛蠶庶酬恩于萬一謹

唐詩集卷之六
申蟻慕仰扣鴻慈

又

伏以帝眷賓師五鳳下絲綸於魏闕天康社稷六
龍會雲雨於周年望度綵旃臣民脅慶聞歸紫禁
中外交惟恭惟光依日月位正乾坤德業懋三朝
蒼赤謳歌稷契勳名超百代丹青炳烺伊周頃遣
皇華趣朝帝座登便殿都俞五位振古殊逢勅中
涓引謝兩宮方今異數况籌先邊徼九夷遵漢約
以懷來且軫及閭閻四海含唐哺而鼓舞惟以其

身造熙朝之運故能以其心結聖主之知其脩官
疆場由拔門墻三十年陶鑄之仁靡宣緩頰千百
里瞻依之悃寧展跼岐屬命安車時當夏丹心馳
赤日封人汗浹芳塵黃閣播清風館吏羞陳野藪
及闕庭而詔之洗沐固知念注九重懸軍國而待
以平章實則神周八極竊惟參贊母乃勞思歆階
尺地以起居緣羈行伍歆首四方而奏記恐溷掃
除心以分拘誠因日積敬申下憶虔候上台伏願
嶽々天樞巍々斗望揜金華而翊乾御豈惟歷二

唐文苑英華卷之六
十四考中書調玉燭而平太階實永垂億千萬齡
盛治

又

伏以五承在幄群工捧袂周年三吐臨軒萬國彈
冠晉日潤山畢錄枯岸咸輸恭惟出應地靈生涵
天粹奏名雲瑞訝韓公殿上之竒振采風標協秋
相斗南之望惟川渠匪讓故能森致江河即土壤
同歸用以鬱成嵩岱既材西杞更採東筠誠謂鄧
林昆吾豈無翔翼懸黎和肆或有遺珎如某者爨

下廢桐溝中斷櫟自分陸沉于疆場寧期駮軌于
藩垣被旨自天啣仁無地竊念春鷓秋蟀集候爭
鳴雨蚓風蟬臨年共悅彼蠢蟲尚知感奮矧人能不
服膺願言收効于毛釐益勤駕蹇庶或酬恩于萬
一不失馳馭敢先露盥之澌奠附台光之鑒

又

恭惟老師三朝元老一代宗師抱經濟之鴻猷作
明時之柱石乾坤正氣廓清海上塵氛臺閣清風
振肅寰中綱紀發朱程之秘奧闡正學以泚人矢

周召之精忠羅英賢以為國功司玉鉉際五百之
昌期名覆金甌翊萬年之遐曆惟縉紳雅推正直
知嘖咲不以假人惟當宁洞察激揚知顧盼必能
得士如職駕鈍迺荷甄收懼切曠官方抱愧之無
地寵分拔茹實感恩之自天夫不採而佩雖幽蘭
亦捐苟有因而前則朽株為用光風霽月幸沾照
拂之榮北斗太山每切瞻依之念卑職敢不益懷
砥礪期自效于 聖朝勉力鞭驅求無負乎知己
望海門而盈又一水仰三台而渺又五雲慚齒報

之末由慨儀刑之日遠下情依又殊不能已伏初
珎鼎燹以護蒼黔培元和而迓寵眷

上太宰啓代

伏以陰陽陶冶隨方負平直以成材天地鑪錘合
大小洪纖而被化施雖不德感則為恩恭惟間氣
自天元忠應世秉日月麗空之鑑十六族盡闢虞
門鼓風雲遘會之機八百侯式遵周道臨政如著
布策敷猷若歲為霖不惟為天下以得人抑且向
塵中而拔士如某迂愚下吏放逐菲材溝中絕望

唐文苑英華卷之十一
於青黃爨下何心於宮徵豈意藩垣之佐忽沾枯
朽之榮澗谷有春乾坤益大涓埃無日河岳難忘
頃者策馬王程不俟宣尼之駕懸魚帝闕先覃姬
旦之思文章驚落于上台風雅徧傳乎南國謹鐫
貞石移伍皇堂摩數幅以承觀二南克配表一時
之歌咏千載攸傳

上趙大司寇啓

伏以八座聯班高曳星辰之履三階奏績榮刊日
月之旂望壓台衡惟騰圻甸恭惟茂猷經遠厚德

鎮浮兩手洗白日之光一柱障黃河之決帝懷
舊弼國拜元樞我殿上之法冠會見宵沉貫索定
竹中之刑鼎且兼晝掃槐槍前馬裴後盧李未足
分曹右稷契左臯夔佇知方駕如某者才不逾人
學歎聞道望宮墻之外由瑟奚為丘門置莊獄之
間齊傳或移楚語一官匏繫未克覩于郇雲千里
葵傾恍親承乎趙日謹脩尺幅遙佈寸虔

啓葉司空

竊以文昌八座之茂勳實惟太階六符之介祉兩

年遠國威名聳夷夏之間一日還朝步武接雲霄
之峻凡為工尹喁切具瞻恭惟閣下受天間氣亶
世元忠合文武以兼材揔安危而注意風清鴈塞
精神折千里之衝雷掃龍荒夙夜贊萬機之務聿
求懿德而肆夏暫爾橐弓以言旋頌東山綉袞昔
我耒思然北門鎖鑰非公不可 天子特為之遣
使廷臣咸拜而望塵寧惟統均梓材之司寔且獨
膺柱石之寄鷄翹歆曉佇看北斗舌喉鳳詔方春
行托中台心膂溯紫霄而直上列象魁三指黃閣

以夷登去天尺五小子某猥以駕庸叨承顧聆曳
履星辰之上魯爰隔清光接身風雨之間願依巨蔭
怙瞻在上慶忭由中未遑供台旌彌矢之驅敢虔
致小夫竿牘之獻不腆藉手聊以寄懷仰冀海涵
曷勝冰凜

上揔督倉場啓代

伏以爵班三事周家隆主測之司柄備六符漢室
重灌輸之任實敷五典兼攝萬民恭惟應世風雲
麗空日月百僚咸肅霜飛鷓鷯之行九德可歌日

頌夔龍之績頌者謂文昌六府匪契靡宜太微四
門惟融克裕爰徵南國遂領北樞後九九之車摠
絲棼之簡牘典陳陳之粟閱山委之丘坻縻戟且
臨廟堂拭目干旌所過臣庶傾心况某官佐近藩
職司內餉幸竊屬車之後愧無轉轂之長向蒙晉
接干邪褻深沾覆露近獲景瞻於武定莫效需雲
慚與慶俱懼隨感切敬申丹悃真同野鵠秋毛上
溷清嚴何異太倉稊米伏願擴河岳含容之度亮
冰淵惕厲之衷特賜鑒存豈勝啣戴

上司馬啓代

伏以欽承 帝詔從官越千里以趨蹌入柄國樞
疆吏伏庶方而瞻溯心馳七校仰切五雲恭惟受
天間氣為國重臣暮謀獨冠于宸旒德望久崇於
朝野進為太尉九重依漢室之安部以冠軍八座
尚灌壇之令旌旗內指風雨潛消節鉞遙臨山川
辟易蓋龍騰天肆人人忻從騎以如雲而豹轉斗
邊在又跂屬車之拂霧况某者趨風既久履露深
頃叨藩佐之移實荷台衡之庇竊念鞭隨輦下靡

唐書卷之八
劾秋毛迺茲匏係域中祇增夕惕德同程遠情與
望疲謹遣材官冒干闈吏聊申悃憶豈輸河岳之
涓埃仰異優容益戴乾坤之覆載

上河道尚書啓代

伏以泮水懷襄霄旰塵堯思於五位玄圭告錫平
成奏禹績于千秋業配皇天聲流薄海恭惟縱天
間氣侑世英豪質參荆玉同貞鑒與南金等耀士
林景附辟凡羽之宗一鷲吏籍懷傾如群山之仰
五岳某備員遐甸忝附屬車實蒙俯眷遺簪遂獲

濫收行葦部昏難望忻瞻舜日之章荒翳不忘極
荷傳霖之潤茲當奔命漸遠承顏無繇伏謁于司
闈祇緣清禁愈切慚惶于結臆靡報殊恩敬陳稟
白之詞聊露感藏之念伏願俯垂台照特賜慈原
德上際而下蟠斂時百福澤東漸而西被受國元
封

請提督啓代

伏惟望崇鼎鉉九重借頗牧于禁中勲懋旂常萬
國倚范韓于閩外重兵所宿夷夏咽喉大壽縣所臨

山河辟易霜露先九秋而肅五单于凜又龍荒風
霆越萬里而加三節度欽又鴈塞今者受丹書于
殿陞度黃鉞于郊關朝野交惟吏民協慶其伏身
疆場備數戎行曩媿守株幸荷誤收于桃李時慙
小艸莫由比珊瑚藤蘿以踈節累天地之包荒在下
悰蒙日月之朗照欣承維斗敢啓需雲雖野亭之
污樽詎堪承飲然敬恭之沼沚亦或可羞伏願暨
駐旆帷錫光俎豆被珠璣于罄歎望封人負鐘
矢以馳駟期先候吏

復蕭總督代

伏以九重眷注借樞府之元公十乘啓行搃戎旃
之重寄憇棠未剪騎竹爭迎恭惟大業格天遠猷
經世胸蟠三畧徃聊試其緒餘掌玩四夷率皆得
其要領緩則佐清朝而表儀卿士急則擁黃鉞而
控制单于聯八座於朔方獨尊元老統十連於雄
鎮咸曰令公號令從風旌旗動色山谷不煩於指
碩犬羊亦熟其威名會見燕然再勒配天之績佇
瞻鼎鉉諱相國之元其夙媿踈愚久塵眄獎祇跂

瞻乎使節靡前綴於賀綦倘許屬鞬獲伍宣雲之
士猶能載筆往銘瀚海之師惟忭惟深敷陳罔既

上督府啓代

恭惟垂紳依日月擅唐虞八座之尊賜鉞懋冰霜
屬夷夏三台之望上追叔甫下陋范韓萬里殊勲
指日燕然首勒九重異眷佇看茅土崇封卑職出
自窮陬叨充屬吏一聞大拜慶倍黎元迭聽新臨
神馳紫塞第導明禁思叩謁以無由祇望戟門日
屏營而竊戀敢申狗馬溷雲霄用以宣階前拜舞

之誠隕躬是懼欵永効轅下馳馭之力受命未涯

上新撫臺啓代

伏以天康社稷爰開五正于朱宣 帝念邦畿特
晉九工於黃序一聞拜命朝野惟呼載候揚旃吏
民鼓動恭惟鍾乾間氣亶世元忠簪筆北辰風檠
邁百僚之表羽干南服勲名動萬國之瞻豈惟虎
節望崇抑亦鳳池聲赫故四海以台輿之遲速殆
一時為王國之重輕遂即洛中召臨圻內簡書初
下三閔越千里以騰驤斧鉞未加六郡先九秋而

唐文苑英華卷之十一
振肅寧湏俄頃始被恩威如某者幸殿屬車倍懷
通懣知荷甄陶於鈞化輒行歌舞於下風雖小夫
竿牘之勤何足自効然幕府趨蹌之役焉敢辭煩

請撫臺啓代

伏以零露興歌儼駮駮而騰禁衛需雲啓燕假搏
俎以寄折衝况沐浴之既深復仰瞻之伊始未斯
四國樂只萬年恭惟毓粹自天降神惟岳春涵士
庶兩河喧燕雀之雷秋肅華夷三輔掣龍蛇之電
邇乃飛鈴重鎮授節齋壇七命公侯應拜禁中頗

牧五官將吏共瞻閩外范韓敬敵魚麗之筵奉迓
虎賁之從雖俎恒岳為加豆靡效塵埃敢酌滹沱
為上尊聊申沼沚伏願鑒其赤悃枉以朱輪度爽
氣于重霄廩又聳度官之榮觀奏清風於下部洋
又溢萬灶之歡呼

上撫院啓代

伏以貂蟬首映內依日月之光華豺虎魂銷外動
風雷之鼓舞聲高頌茂勲重望隆恭惟稟備四科
養苞九德挺棟薨之厚器式殿九重炳山岳之粹

靈周巡八極今者擁旌伊洛建旆陳梁百寮先九月以飛霜兢又歛衽兆庶企三陽而覆露皞又含哺蓋出觀周南召南之風且入調伊相傳相之鼎其備員藩佐分職京儲幸竊附于屬車尤景瞻乎憲鄴謹先奏記耶鳴千載之遭逢圖後服勤少罄一時之驚蹇願垂台鑒特賜慈原容更大于乾坤感愈深于草木

又代

伏以位隆使相燦青羅執法之星澤撫丘民霈赤甸匡生之雨百寮震府六察風司恭惟粹毓乾坤文羅星斗雷轟者一十八奏呂樞密敢不傾心電掃者三十二人常大夫應為歛手業垂青瑣聲溢黃垓望風采以有年拜光儀于今日况需雲方覆而其露重滋晉錫用蕃祗重山蚊之負周邦胥喜蓋均苹鹿之情施既篤於解推報敢忘于啣結莫知起處益此屏營抱晨昏繼侍之思疆隅隔閔切怙恃遠離之念嬰孺徘徊茲當鞭策以馳驅敢托楮毛而稟命伏願連雲大厦海涵燕雀之投捧日

洪勳昂勒夔龍之盛

謝河南撫院啓代

伏以雲雨蛟龍忻遘會乎虞夏商周之盛甲兵星宿燦光輝于陳梁鄭衛之墟網紀四方儀刑百辟恭惟資全文武道合天人始列周行綽矣朝家彥聖茲參漢輔巍然社稷元臣特分栢府之符出秉蘭臺之鉞潤章縫于河洛地緯天經銷魍魎於嵩邛風飛雷厲凡為工尹舉切喁又矧在藩垣尤深廩又某備員下吏幸屬上台畏此簡書辭戟門于

千里趨今執事沿逆旅以九迴已拓國都益懷節鉞蓋身近長安之日寔荷照臨而心依宛洛之塵末由飛越謹申寸牘聊布私忱願霽霜威更寬春育九天雨露不因幽草而或遺六合鑪錘豈為躍金而遂外

候河南按院啓代

伏以白簡趨朝赫又動禁中之僊掌形馬出院行又燦輦上之法星震悚百僚風生八表恭惟文章禮樂富以蟠宵雨露雷霆神于掌上旌旄直指合

唐文苑英華卷之六十一
山靈海若以魂搖檄命遙飛盡南鷁北鷹而瞻浩
正氣與秋霜互肅剛風參朔雪交清化正乾坤聲
光河洛某斗筭下吏銖兩微材職備屬車劇擬負
彌而戒道心馳參乘尤懷夾轂以騶風頽沮疆隅
祇勤朝夕左右瞻依之靡遂始媿輿臺後先奔走
之有時終當僕後伏願原之斗望照以台光披凱
風於棘心不遺燕谷洒甘雨于木末無間幽崖

迎按院啓代

伏以接武夔龍柱後扈六飛之蹕造行鴛鴦殿中

亞三獨之儀親佩漢符下行周甸恭惟德齊元聖
名冠本朝珪璋雅重于西清夙欽四履節鉞特分
于北闕出按三關凡扶風馮翊之吏民幸甘雨清
霜之威福某備員疆場佇望雲霓雖兩河叨佐藩司
寔四郡催科委吏魚蝦徙族遙依東海之波草木
移根均冒慶雲之采謹先代迓聊布積忱願賜照
臨豈勝感結

迎按院啓代

伏以鳳闕演綸寵冠七曹之列烏臺執簡光增八

唐文苑英華卷之六
彩之毫朝野久欽吏民胥望恭惟翰飛南國聲著
西清薦紳夾轂以旁趨忻聞攬轡負宸剖符而直
指爰命埋輪十萬春濤會見應蒼鷗而帶月三千
雲錦行瞻飽赤驥以嘲風將化行于燕趙齊梁而
俗變乎洙泗伊洛其備官三輔濫佐兩河彼此翻
飛終在周文之囿後先拜舞歎深虞樂之鏞敢遣
材官代迎下吏偃倭之志雖延佇而無文覆冒之
慈諒敬承之有日願祁照鑒不任屏營

復葉開府代

伏以雄邊分閩久宣赤羽之勞重鎮建牙爰晉紫
宸之寵諗茲鴻鉅允合膚公恭惟德並甫申材苞
韓范靖綏南服至今動玉鉉之思控制東夷自昔
擅金甌之望辰猷定命聯宰執以通班甲令推誠
盡羅施而賜履各路謂登臺之晚一朝瞻授鉞之
榮綸紉天開旌旗日暖即驅綉轂合青山赤水以
交輝還佐彤庭虛伊聃傳羨而待理捧函若對拜
使如驚祗霧盥以陳詞靡伸款又奠台慈之鑒悃
深切依又

復劉開府代

恭惟臺下槐岳元臣梧垣宿德寵膺特召皦愛日
於三莪秩晉中臺移福星於八桂乃茲珍篚貢入
上方八千騰錦水之驟尺一墜雲安之鯉惠來室
筵猶然徼賜於主恩借及瑤華奚啻分榮於在笥
眷言寵渥浩矣無涯內顧踈微忽焉何答為風拂
袖長霑入座之恩學月流懷時見梁間之色附函
報謝對使馳神

啓李老師

代衆門生

伏以函丈巍峩共切三台之仰斗山峩嶷長懸五
夜之瞻鶴頸同延龍光遙被恭惟老師臺下天挺
儀刑人倫冠冕赤墀抗疏籌國計而有經青瑣匡
時贊王猷以無斃鴻圖未艾駿望攸歸頌自桐分
玉節之日尋為轡攬錦官之年茂苑嚴霜行看依
劍梁州化雨佇俟隨車某等共媿菲葑葑倅叨爽李
欣逢大拜轉切遐思萍踪星散即于今而北者北
南者南薇省天高其何日而趨亦趨步亦步爰傾
芹悃肅布葵衷望鼎誨之如春音奉瑤華霄漢覲

唐文苑英華 卷之十八
台垣而立雪夢飛斧鉞門墻萬里相依單辭未罄
伏祈涵照曷任寵榮

上劉芝陽巡撫啓

恭惟臺下乾坤間煥武全材擢管專門古追董賈
建牙開府今見范韓奠三輔以為孟羅百城而作
鎮豈惟東南得歲熙然春寓內之秋行且西北銷
塵帖矣鼯枕邊之睡五臣茲六一代無雙如不肖
榮者寰中下品海曲陋儒文豹未窺其半班黑貂
已幾乎七散秋侵潘鬢臨鑑生慚窮入阮途向風

流悵賞音難必頽影自憐太宗師獨照之玄中待
之格外翩又佳公子坐有倚玉之英悻又小丈夫
居無彈鋏之嘆而且斲其文章勉之德誼刻木以
為器期在晚成剖璞而去瑕使無再刖遂以牛馬
走之賤猥荷龍蛇士之知爰上公車與聯仕籍文
成生白幾點朱衣之頭筆落殺青未附蒼蠅之尾
豉仰一第峻若登天跋履萬程恨難縮地悼傷弓
之鳥動輒驚弦學蠹書之魚食無忘味半榻與梅
花共冷一食將首霜自甘暫棲有助之江山更借

可親之灯火九萬里風斯下敢云懷鵬路之期三
千字日未斜尚欲對龍墀之影伏望翼我未逮庶
得尊其所聞抱衆人材異衆人知徒自旋其面受
國士遇圖國士報矢不負此心

啓劉方伯代

伏諗渙寵楚臺晉蒞薇省肅雖紫氣輝蔭綠菴伏
在窻窻祗深慶慰恭惟兩間正氣百代偉人夙然
太乙之藜蘭省與木天競秀嗣振羊城之鐸東山
隨北斗齊高旣而出為蒼蒸茲幸竭來英蕩佇俟

開府而秉節鉞馴致聽履而上星辰蓋朝野胥占
繫旦夕間物甚盛其濩落樗散溝斷陸沉自錮清
時良負真字唯是編氓義重更戀知己分深謹三
薰竿牘之勤代九頓旌麾之下旣謝不敏并愧無
文

又

伏以日麗九游周道和鸞鈴之節風清四牡庶邦
騰魚藻之輝驚法從之自天愧趨承之無地恭惟
翰苑名流海宇碩望爰敷政於全浙遂過化於遐

嶽真雨沛從天而川岩競媚春未平野而木卉皆
榮者也職夙叨世誼自知牛驥之匪群茲覲台光
何幸燕鴻之亦偶蓋念載寄悵夢寐徒更燭以興
思一朝覲會羽儀敢執壺而獻悃伏惟念勝游之
非常薄醉桃源之釀鑒微誠之預結遙分薇省之
榮

賀李太僕通政啓

伏以履曳星辰宸沃論思於簪橐司存雨露兼出入
乎絲綸斯文之榮有國所重恭惟受天間氣為世

宗工秋水濯其丰神春風寄之談咲一洒空中之
筆陣勢壓千軍再提海內之文衡光搖五色命自
天而三錫材與地而雙清爰自肘腋之斑更移喉
舌之任朝轍夕納國有嘉謨月陟歲遷廷無異論
薦紳以之加額寰宇罔不傾心碩樗櫟之散材叨
門墻之舊物尸官有守造膝無階末由瞻趙日之
華所幸托蘇天之庇求言愉忭寔倍等倫賀厦之
禽對响俞而欲語戀軒之馬思剪拂以長鳴

請鄒太史啓

伏以龍淵韞射漢之精必剖光於神識騏驥騁騰
空之足亦增價於慧眸况士當盛世而列簪紳復
得大儒以為領袖感曷云喻慶則彌深側聞學以
性命為要文與氣運俱昌沿習枝葉迷厥根宗雕
鏤犧樽傷茲玄化必如歐文忠之居兩制始障東
於百川自非周濂溪之倡微言孰指南乎多士恭
惟梯航聖區淵源庭訓肘有方而心有印卓契典
型山彌高而水彌深更無滲漏方當大義之榛穢
獨揭玄旨以驅馳雲歛波沉則性入于定鳶飛魚

躍則樂在其中且也析理風生諸儒之解縛盡脫
吐詞河注百氏之卮言一空大雅洋又聖謨追而
瞠後元精炯又時流卻以讓前鏗鏘著作之庭雍
容侍從之署是蓋取裁於黃鍾大呂不效世俗之
蛙鳴抑亦降靈於衡岳匡廬以狎斯文之牛耳計
曩者執柄春闈盱衡玉管根芟認品俯拾瑤草之
芬渾璞生榮直免夜光之眇遂使茅蘅賤子離疏
而獲振衣雖以毛毳微材及門亦咸借色第恐地
重望輕力小肩大徒濫竽于臺署或玷鐸于門墻

有負春風嘯咈之恩更與洪鑪陶鑄之益是用齋
心設具屏息授粲咫尺雲壇依稀北斗之臨霄漢
沐浴泗水何殊法雨之洒埃塵敢仰徽于鴻俞其
何當乎燕喜

啓馮太史代

伏以臯比雲擁譽髦頌倬漢之昭履烏星攀常伯
荷自天之綽龍門舊侍虎幄新瞻恭惟心下而德
尊人今而道古泰山渤海之所盤礴申呂雙生洙
泗杏壇之所磨漸冉顏共派寧惟唐家十八士之

選且作周官六十屬之宗貳公而弼一人佇今台
輔咨伯以司三禮邁古秩宗身名之重如山誰無
斗南一人之仰樞趨之徒若雨咸切山東夫子之
思緬臆昔年柄文全楚曾羅二酉之富網搜七澤
之竒察紫色于垣間振滯鬣于天步獎借流品長
養人倫試某以落鴻孤鷺之篇取某於驪黃牝牡
之外第愧乏陽春之寡和已知無明月之暗投遂
使天上南宮效蒼蠅而托驥霜邊西府操白簡以
栖烏蓬處麻中展也楚之人能為齊語桐收爨下

唐文苑英華卷之十一
詎云由之瑟奚為丘門乃命日士卜期燎師治具
潔陳芹豆惟兔首之炮燔粢掃桐亭迓熊車之至
止奠祗承乎桀誨兼薄浣乎我私感重丘淵戰同
冰谷

啓唐吏部

伏以南宮牋奏清華聯列宿之輝西府執衡桃李
萃龍門之選卽省特誇冰鑑司封歎典人倫恭惟
舒卷風雲冰蘖擅人中獨鶴幹旋宇宙文章收劫
外先春時名高海岱之稱國事重山公之啓柯亭

有幸管蒯生輝某等器均濩落寵借孫陽官燭風
簾吐握破一株之慘淡杏園鴈塔崢嶸發寒谷之
幽光退激恩私仰勤玉趾拂塵埽軌揄枋喜傍於
連雲折俎烹葵毛羽借資於華袞用申翹企注候
寵臨

啓王臨漳

恭惟台臺文章鉅公人倫領袖胄羅元氣三垣二
曜緯其華識剖參寥一目十行輸其捷著書光函
石室作賦帝貴都門乃化民之術日新大儒之效

月異名高鄴下文掩三曹德比清漳河潤九里力
行古人之道益彰才子之敵且入天曹有光吾黨
某也親同肺腑誼托弟兄雖十載浮沉殊多踈節
而百年意氣乃見交情今幸從曲江之遊猶慮辱
山城之社捧看芳札知手足之念深更錫豐儀令
寒酸之色起臨風拜手繾綣龍門望遠飛心參差
鴻影愧八行之揮汗不成報章想千里之同心若
為把臂

啓韓都諫代

伏以寵沐金章茂膺芝檢班聯玉筍首陟諫垣有
爭臣者七人悉資領袖舉明主於三代彌切繩糾
聞拜命之自天覺躍躬其無地恭惟間世元忠凌
霄峻望垂紳象魏祥開雉尾之雲簪筆螭頭光藉
龍鱗之日以呂晦叔之直諫兼歐陽子之善文瀛
洲十八之選尚避一頭南宮三百之英半歸兩楹
片言賞識遂稱冀北空群隻字品題遠邁汝南月
旦頃騰夕拜滋茂辰猷特晉省臣之冠用補天子
之袞凡登政府咸悚息以奉下風矧屬師門益鼓

舞而思覆露君子之道長矣仁人之利溥哉緣備
馳驅末繇瞻對鏐寸衷其若結覺千里之非遙鳴
孤鳳於朝陽豈私燕賀托雙魚於尺素寔效鯉趨

啓陳都諫代

伏諗䟽榮宸幄擢冠瑣闈持朝廷廢置之公鳴法
從論思之表名昭於日惟動如雷恭惟玉尺端方
金莖澄爽洗空萬馬蚤峻擢於殊科飛上九霄荐
親承於異渥粵自褰騰夕拜獨能傾側辰猷受
天子特達之知負儒者魁偉之望帝念省垣第一

首關吏治之重輕金曰國士無雙始稱諫臺之領
袖宣麻中禁舉笏百僚聳聽郵音惟呼邊障補仲
山衣樂觀鳴鳳之朝陽調傳說羨佇見夔龍之接
武祇申夏賀仰乞鑑涵

請按臺黃老師啓

伏以宇宙無私多士彈冠於晉日門墻有造一朝
起讌于需雲敢云潢潦可羞矢竭涓埃以報冀聞
警欵彌切兢忝恭惟老師臺下北斗星樞南州領
袖皂囊直指驅山靄海若以魂搖白簡遙飛震南

唐詩集卷之十一
十六
鷄北鷹而胆落雷轟八百疏多避一頭鵠起九十
人摠歸兩握片言寵辱走造化於毫端萬品升沉
鼓風霆於掌上落筆則倒源司馬校編則懸鑑歐
陽咳唾為恩眈眈成飾其等戰蝸兩角窺豹半班
溝中其棄乎青黃爨下何心于宮徵茲以牛馬走
之賤猥荷龍蛇士之知既辱栽培即澗草欲芳于
蘭蕙一經陶冶錐鉛刀期奮于干將師恩並重乎
君恩勉期後効函訓均嚴於庭訓寧負初心願言
終食不違思奉一片以獻謹洵某日蕤賓按律式

開離陸之祥光魚藻敷筵敬迓台階之法從雲簪
列傳宛設壇於泗水之濱星履高攀將煥彩于文
昌之府伏願鑒其素悃枉以清塵俾瞻山斗于步
趨快茲捧袂爰拾珠璣于樽俎益此書紳逍遙竟
一日之懽慰幸踰百朋之錫

啓鶴陽周老師

伏念老師大人台下業擅根塵文追綉虎士論比
之南金輿情仰為北斗靡不奉雋推雄願收弟子
末籍而榮也寰中下品海曲賤儒既無曼倩陳思

之能又乏鄒生曹丘之舌文豹未窺其半班黑貂
已經乎七散顧影自照騰驤天路其俟河清哉乃
師獨嗜菖蒲菹而辱收不肖許以五花策之千里
師生而骨肉之几上春風竿中夜月譽我不啻乎
百口比兒款致其三遷賚以瓊琚潤其資斧即對
胡塵朔雪恍然如覩赤城霞氣也頃者奏技主司
幾為具眼獎拔而誤甲為乙移虎作鼠遂使棄繻
不驗墮甌無聞縱不肖此身未足惜而同門兄弟
未聞有一着鞭而先者竊恐傖父揶揄之不謂

燕無臺且謂吳越無士豈不冤哉既復自揣夫士
業已遭時厚幸馮席寵靈斧其朽材俾成晚器一
逢按劍安敢遽披荷葉衣入山中第欲寂居則苦
於炊玉欲借資則厄于盪河乃效馬季良故事陸
沉廣文首宿以當侯鯖青氈以當文綺倘更徼天
幸乎不虛二十年螢雪言謝朝華載起夕秀聊為
鼓瑟者解嘲未敢便袖手燒君苗之硯也春秋妙
旨行授殺青無論百倍山東帑價使東諸侯之士
家鑿混沌人獲琪璧其為鄭重可勝道耶所囑序

草政恐千金白狐腋不當補以羔羊草成別有請耳

又

伏以木滿鄧林逢匠石而參橫材辯馬群驥野遇伯樂而上下乘分一經斧斤乃稱楨幹但承駕御方謂駿良如榮者辛夙進於門墻側根莖李曾受馳於鞭策畧識轍途乃今登之清廟明堂之中似若出乎驪黃牝牡之外千金已顧一木何支恭惟恩師臺下三楚名賢百年豪傑淵源濯江漢之潔

精英分翼軫之光倒峽詞流滋於繁露汗牛編簡瑞自西麟早掇元魁擬晉夔龍於翰苑暫分民社爭看鸞鳳於棘林大造海邦郊育羽毛之愛加恩髦士菁莪樸棫之風邇者大比昌期起執宗工之柄群趨劇路必求捷足之才主司方以拔十得五為難鯁生何幸舉七獲一之遇五曜聚奎明無遺照二天庇命事有出奇聽鹿鳴而思豐草之恩起鵬程而荷大風之力犬馬難報芹曝竭誠敬于是月某日之吉治束脩於俎豆樞衣以表下衷越丞

夫子尊壘長跪而申疏節

又

伏以赤城霞爛久分剪板之輝烏府天高近藉鈞
陶之力荷鴻恩而靡效與清讌以承惟肅戒懸臯
祇瞻揮塵恭惟臺下北斗星樞南州領袖雲間傳
綠當年開三楚光華天上扶紅此際肅百寮儀楷
鳳千仞而覽德日侍金華豸一角以觸邪風生鐵
面頓洗今仗下馬之習載追古殿上虎之聲榮等
么麼虫枝敢云步又而趨又密切龍光竊亦模又

而範又祇緣大鑄遂濫小成牡而驪牝而黃俱佐
赤墀之駕赤能紅李能白揔歸青帝之功爰命初
筵式當令序沐蘭採艾香含禁御之炷朱索赤符
色借堂皇之綬方應期而協吉敢治具以告虔既
卜其書又卜其夜非獨擬河朔之風流爰潔我俎
仍潔我觴寔欲方杏壇之列侍伏望坦衷下逮海
納淵涵聲教親承玉霏珠錯攬絳騶而駐節浮綠
蟻以虛壘祇承接隻語之溫慰幸踰百朋之重倭
而待命跽以陳詞

請座師代

伏以蓬瀛邃密夙瞻委佩之周旋崑壁優閑幸接
鳴鳶之步武木天萃止芝宇觀光恭惟天人揆藻
令聞高褰山斗樹儀清風鬱起昌期應五百年而
名世宏模照千萬古以泚人頽慚草野豎儒忽奉
岩廊師表泰茅彙拔慰景仰之有階履素初行式
服膺之無斁謹諏孟夏十有一朝拭列座于玉堂
迓群仙於鳳沼步趨孔邇輿車騎之未臨葑菲靡
遺迭冠裳之我賁伏望聲欬親承玉霏珠錯坦衷
下逮海納淵涵星聚中天快覩德輝而協慶雲蒸
上國聿隨景耀以流芳

請衆道長啓觀政

伏以多繡肅蘭臺山斗簪裾在望龍門羅竹箭澗
溪葑菲堪收喜洽霑雲榮分晉日敢異一言階下
仰同百祿尊前恭惟瑤圃抽英珠纏散彩發崆峒
之琬琰博極黃熊清京洛之風塵名高驄馬殿中
執法威稜白簡常寒柱下藏書妙道玄文早契擁
皂囊而專席陳丹陛以高趨天酒調元提七星而

式酌霜毫起草抗五岳以俱搖網紀六符行看曳
履澄清八表寧待登車然且滄溟之容納方深岱
華之崔巍可蔭遂令其等章縫襪線圭筆樛材眇
昧塵青眼之知掩映接烏臺之色南皮列騎振玄
藻以開樽東魯四科扶丹輪而入室卜當長夏願
賜良辰自挾霜稜不假薰風之奏儼依秋憲坐邀
卿月之未非敢謂桂榴榴花堪同芹曝實欲托玉
山瓊樹附近朱藍伏企俯臨曷勝仰注

上東霍沈道尊啓

伏以七緯經天文采振射牛之野十洲環海武烈
晏戴鰲之墟峻采風馳惟聲雷動恭惟珪璋名閱
柱礎清時汗竹探奇三禮窮搜於壁上燃藜炳燿
六丁屢下乎人間斗以南斗以北獨高奎宿之纏
膠之東膠之西共仰福星之幘建隼輿而寧萬里
擁熊軾以撫百城草木無知已預霑其爽秀山川
有幸行快覩其休光如榮者首蒼微踪枯凋餘蔓
寒羶夜雨鷄失旦以空鳴玉勒春陽鴻遇颺而尚
卻茲屬觀風之部先為近水之臺幸桑梓之比隣

唐文苑英華卷之八
仰非一日觀檐帷於依邇
宛若二天莫遂躬趨謹
先代迓

復查兵憲代

伏惟翁丈鳳詔起家魚書領郡鄴侯出守歷苦李
之盤根召伯于宣廣甘棠之美蔭政事續西京之
傳文章齊東岳之名州縣不煩有貯水冰壺之頌
軒車所過輿臨風玉樹之歌詎惟砥柱於狂瀾直
揭長庚于曉漢雙旌畫戟行看動地而未一札綠
綈會見自天而下慶聯雲署華割門闌某職類鴻

毛言輕蟬翼張距而驅鳥雀第有雄心奮身而觸
雷霆慚無遠慮再承人之彌負主恩蒙垂五色之
華牋儼被九霄之渥澤知深南海遇重西河譽諸
黃絹之詞作以青蒲之氣兼憐暖缺仰費奚囊投
貺揚金君子以之貽好輸忱魏妙小人藉此旌懷
贈遺出自所天感媿并于今日附函稱謝伏楮馳
神

請何父母老師啓

伏以陽散九寒利勾萌之畢達星臨萬戶荷普照

唐文苑英華卷之十一
之無私幸際耒蘇允孚衆望東方快覩乎赤舄鄭
人尤好于緇衣恭惟文章宗匠道術淵源雖三百
英雄未能或之先也即四方注想誰不慶其逢乎
爰屬否運之將傾用惜慈民之久瘁迺特掄于朝
署獲借重乎仁賢凡厥有生同然欣戴矧為冠蓋
尤切依歸泝氣當首夏之交麥秋咸至歲早倏甘
霖之及穀雨初培隴畝新青聽農歌知吾人之康
樂山原嫩綠聞鶯啼卜翼日之喬遷園筍可羨老
稚鋤陰干業拓江魚入饌戈舡卧聽于滄浪壺飡

本居下之情况觥有享上之禮潔陳芹豆惟兔首
之炮燔粲掃茅堂迓熊車之至止仰祁台鑒俯賜
寵臨

又

榮竊聞激瑞傳星佩潛蛟於太式騰鑣歷塊騁蹠
駿于咸陽彼物類無知猶思奮躍况人生含識敢
負鈞陶恭惟老師臺下清融冰柱峻拔斗鈞邑留
耒暮之謠人結去思之感河陽之杳千樹悉出栽
培南國之棠十尋永懷菱蕙自褰騰於夕拜益弼

亮乎辰猷縉紳望之為準繩朝廷咸卜以輕重眊
昧成飾咳唾為恩不肖榮者海曲賤品溝中斷楸
舞象無幾忽黑頭之漸改登龍有幸賴青眼之頻
垂慚抱衆人之能徯蒙國士之遇茲違函丈益儼
循墻覺燕越其非遙恍形神之如覲伏異矜其獲
落曲賜匡扶作礪作舟霖雨沛無疆之澤遺簪遺
履乾坤垂不報之恩

啓張太府

伏以海甸濫竽叨屬紀綱之末天衢推轂幸歸陶

鑄之中惟知遇雅契于台臺故明揚獲濟于謬選
竊念其徯以樗材幸叨桂籍金科玉律明刑慚淑
問之臯墨綬銅章敷化媿循良之宓恒懼守官之
無狀何期獲上之有遭臭味則同固不嫌于草木
枝葉可采蒙無棄于菲葑引重不假乎梯媒券合
真賢于夢卜榮生過望感曷勝言伏遇臺下傑材
命世碩德匡時鳶鏡懸心儻茂資其月旦鳧鍾畜
韻簪纓藉以雌黃蟠木有鏘金之階收焦桐而發
響夜光無按劍之盼許怪石以騰輝遂使委瑣者

流忝廁職言之未倖策駑而服乘敢得魚以忘筌
謝悃輪菌佩德與東溟罔極封緘踈濶巖瞻偕北
斗争宗敢不誓立芳名堅持素守輸消塵而裨海
岳母忘千載之逢噓螢爝以助曦娥期報萬分之
一仰祈電矚俯賜春涵

啓蔡肖兼公祖

伏以一辭祭戟兩度居諸依日月以承暉儼雲霄
而在望伏念某林藪下吏堞海賤臣駑馬力何足
馳驅謾思西壘華虫飛不能尋丈妄意南畝中遺

天刑頻仍家難寥又宇宙誰收不譽之人擾又乾
坤自托無言之季旣撫心而忼慨亦汗瀨疇躇伏
遇老師座下鍾靈七閩毓秀四游挈武夷鎮定東
偏朗列星照臨下土范終古之鑪而鑄九牧弗棄
鉛刀頃彌天之網以掩八紘不遺落羽揚某衆多
之口拔某困踣之鄉臨太行以欬歔豈有追風之
驥撫夷門而太息慚無貫日之虹覆並玄黃恩同
鞠育平生肝胆啣齊國之大夫今日形骸許魏王
之公子家乎不造命亦何尤媿此黑貂伴十年之

唐詩集卷之六
風雪空令玄兔飽千日之冰霜今者越在海邦仰
瞻山斗赤城雲起遙聯光範之門碧漢霞生恍對
石渠之閣敬裁尺楮上接臺端并附小言伏祈教
削

又

伏以令布玄冥萬壑收魚龍之沫序臨無射九天
晶日月之光當彼變衰感此行役白虹氣折徒傳
鼎灶之丹紫電光沉空冷刀環之血伏念某撲遶
下品卷曲微材自愧人謀不用左車之計亦無天

幸坐失右賢之軍處貧賤其非時議功名于何地
慷慨擊錢塘之楫不試長安馬蹄縱橫枕攜李之
戈自負上林花約怙茲七尺幸有二天倘三師棄
甲不足以廢孟明則一劔登壇猶可以快曹沫伏
惟化成東土績懋南陲朱轂朝天闔闔應傳第一
丹書捧日旂彛定見無雙昔卓太傅以中年冠勲
庸黃次公繇潁川拜台輔不謂曠典今將見之獨
某等猥蒙膏澍重辱照臨繡裳北去神飛遵渚之
期綵鳥東翔目極鳴陽之路仲冬上澣引領會城

前者伏蒙嚴命屬以行編深切冰兢受茲山負自
慙重語無當角徵宮商別有鴻章為世山龍火藻
謹以所撰貞節畧稿附上以聞

復陳民部啓代

伏以千里懷賢夢到鰲磯之月一槭委貺坐生燕
谷之春仰費屬辭俯慙注意伏惟雄才震世高韻
照人天府競推蚤擅雲霄之譽星輶出計益馳冰
玉之聲即宜秉軸于漢庭寧久擁旄于齊境某與
時柄鑿觸目藩籬雖幸逸筆舌之司猶未滿風波

之債人情何可極也無已太癡吾道其果非耶奚
為敢愠秋前張翰已知蓴菜之可人下老生頓覺
班禰之在我用是上書請急緹劍將歸祇望故人
或與布帆之便何期高誼隆施珍幣之存摺柬東
馳靡申鄙憶放舟南下尚挹清芬爾公爾侯勛業
正惟君輩其丘其水寬閑聊遂吾廬薄附此衷厚
懷未雅

復袁了凡啓代

伏以昨暴寸丹未酬知於萬一茲蒙尺素復叨眷

于丹三感與愧并神俱使往恭惟承天柱石濟世
舟航呈政事之一班古無卓魯戲文章之三昧今
有蘇韓乃逢人徧說乎項斯使知我獨慚乎管仲
豈期執掌橫見擠排自信歲寒目之小艸難迓月
旦擯以散材本面尺寸以報君豈難東路為竊斗
升而膳母因負南陔茲者楊子被嘲穆生宜去筮
水元方之養誰羨三公蓬蒿仲蔚之園足淹兩屐
野興覺濃於春色歸心爭疾於布帆青眼遭逢重
荷惠遺道左白頭吟望佇看飛鳥天邊束緼火而
而婦還敢希今日刺慈航而師渡願卜他生

啓汪州尊

伏以仰斗瞻山幸荷登龍之寵披光挹霽爰伸魚
兔之將敢云潢潦可羞矢竭塵埃以報與板法從
仰達中涓恭惟脫穎奇材影纓無仕明而且愛真
如慈父保民庶以生威儼矣神君臨下朱幢二千
石寧獨誇人生五馬之勞赤精萬丈光爭自詫士
有二天之庇門生摠成桃李籠中盡屬參苓其等
羶分一席硯老半生共倚長城帖鼠竊狗偷之警

却從文石窺蛇神牛鬼之竒伏在下風曲叨覆露
 爰之加膝腹且推心知佩德以靡涯碩倭躬之無
 地適者氣迎三朔適盤耕之可漿天吐六花庶王
 英之堪清肅諏良日虔命庖人迎鶴蓋於橋門俾
 獲春風拂座聽鸞聲於泮水寔逾葭管生溫潔我
 觴潔我豆擬傾繼夜之惟式如玉式如金恍受百
 朋之錫伏惟賜允曷勝寵榮

答于司理

不佞故越之鄙細人也不叶十室毋窺一斑羊角

可搏撫商歌而自惜鵬飛自失奏冷韻以成悲退
 異善藏進非巧仕遂令握蘭分竹分在折腰絕粒
 茹芝愧深掩面幸托使君之雅爰投明府之謹遂
 領心源并傾情岳所示翰藻簞燈消魂擊節為賞
 綴鱗濯錦織激韶霞敢混吹于齊竽慚和歌于郢
 咎匡廬之約恐不驟乘山川在望風月虛心以此
 勞懷增其慷慨

啓方司理代

恭惟台基海岳名宗廟廊鴻輔荆南望重銅章新

拜於九重冀北聲高紫電試騰于百里惟岩又山
邑幸披琴座之風且蠶又編氓蚤沐花輪之雨輝
瞻台盍慶溢春城某草茅下士畿甸稗官側耳令
聞素^吻依之想躬逢盛際尤攄忭儻之秉雖株守
於天雄實翹瞻于日表敬脩荒楮聊展賀忱仰冀
汪容俯垂洞照更祈僊旌遙發俾父老子弟遂望
雲就日之思皂蓋榮臨使吏士官僚慰附鳳攀龍
之願

復方司理代

伏以竊在下風幾費池塘之春慶欣承晉日遙分
隣壁之夜光對使欲驚捧絨如面恭惟大龍毓秀
汗馬爭奇數淮右之衣冠高門以世寄天雄之鎖
鑰明府其人冬日湛乎秋霜水壺貯其水鑑婆娑
觴咏千詩發起草之華畫諾咲談一士增油幢之
重將坐籌乎槐棘豈小泛于芙蓉行矣符曹相趣
裝之言轟^轟騰仲山補袞之誦如某者猥乏脩能
護叨劇寄以畿輔之名邑當江介之要衝方懷覆
鼎之虞凜如淵谷乃辱函琅之賜恍自雲霄緬懷

厚深但盍銘鏤得黃金百何如聞季布之名復白
圭三尚冀免南容之玷敬旋尺素聊暴寸丹

啓星海潘學師

伏以鱸集占祥少駐木天之軌鯉烹得信言脂樵
水之車雖隔面未快于鳳瞻而私衷曷禁其雀躍
飯依若渴馳想欲飛恭惟名閱珪璋士林冠冕曾
次貯冰壺之瑤壁筆端垂金薤之琳瑯譽望芬芳
科名岌業直上宜逢階之邃回翔暫芹泮之游睠
惟海邦敢云學者之冀北屬茲山斗實乃儒流之

指南喚起情偷挽回醇雅佩衿星入鏘又亂和嶼
之雲燈火夜陳耿又映棲樓之月士有所式廣文
何恨於氈寒道之將行夫子豈容于席煖巍然養
公望不妨賦簷花夜雨之詩展也際臚傳當即播
堦藥春風之味不肖某有懷投筆無文送窮羈貫
逢秦適賈誼見稱之歲書囚類楚倍釋之不調之
年命壓頭其柰何咲視舌而猶在謂名都材數或
被優容而下里巴人竟慳賞拔擊筇人遠鷄失旦
以空鳴買骨甚荒鴻遇風而尚却長終無述晚幸

得師喜宏開絳帳之辰猥獲廁青衿之列步亦步
趨亦趨擬光風於佔俾大成大小成小悉資鴻造
之鈞陶籠中豈必參香門下盡皆莠李黃飯白袍
之偃蹇自亦恥之縞衣綦巾之逶迤可與進否萍
風飄迹覺萬里之非遙芹曝在懷已一腔之如結
嗣趨丈席處上尺筴

復尹嵩縣代

伏以銅符出宰已彌瓜及之期銀榜旌勞忽動芝
浮之檢考書上又望寔巍又恭惟邃學淵洄清標
山立琴一彈而一咏錦愈濯而愈鮮三年當報政
以來治聲無兩一札且後天而下錫命惟三行看
帝渥之新更覺公來之重某素欽高雅欣覩茂庸
聞三鳳之聲未遑面識聽雙鳧之鳥良喜足音

復徐巴縣

貢篚入京華牋枉問垂賚蜀箴十柄者炎涼再質
惠貺重頒未答前叨復承今忝運丹青之在手製
與時新施膠漆以同心價緣人重颯然風至龍皮
生六月之寒溼若金輝蟬翼擅五明之巧所媿煩

襟虛滌縛旨難酬才謝江淹莫擬乘鳶之詠賢非
張敞但詒拊馬之譏用藉當時德將萬里忻蒙披
拂不任寵嘉

復蘇清遠代

某聞縈騏驥以纏牽難徵逸足擬松栢為枿楠豈
悉良材惟值秦青脫之羈馬中一逢匠石採麗高明
則巖廊可構乎百常而玉輅遂超於千乘恭惟武
夷秘寶閩海奇珍凝風寒露晷之壺潔其清矣暖日
生烟之瑟和更温然丰姿畫雲漢於壘樽翰墨燦

星文於黼黻遺珠淵室一時爭郭泰之儀刑沾玉
都躔三輔伏董生之道義既運斧而脩郢堊乃試
刀而解莊牛手掬四溟散作筆端之膏兩胷吞八
極煦為宇下之春風夙仰高山幸緣錯壤此聞馴
雉益企棲鸞顧不佞箕斗虛名謬辱青蒲之選而
門下賢良積最宜升紫綬之班凡慕聲華咸須宰
路在叨雅眷尤望車音况今洽禮樂之三千喜書
勛於上考乃爾墜鱗鴻之尺素悅從事于中原嘉
惠便蕃已蒙寵渥温詞斐豐益荷撫謙雖蚤驅力

綿無以效動奔走而鷓鴣翻勁徒知自致扶搖庸
拭目於烟霄要同人於天路感懷靡竭抽翰神馳

復錢麻城代

伏惟珪璋挺質蘭蕙騰芳一鳴而凡鳥為空四顧
即全牛立解山川增色預看鳧鳥之飛風俗還淳
爭觀麟符之借自合首虞庭之供奉豈容留漢世
之循良冊蹟朝登徵書夕拜會見禁闈之特進庸
酬原隰之載馳湏以作霖望之如歲某叨同里兼
辱下風方嘆素心枉爾半生被染正嗟白眼忽焉

千里垂青惠然貽我以琅函何以報翁之玉案
披樂霧驚對郇雲尺牒聊附於回翔寸抱轉增乎
搖曳載懷深厚但極感藏

復徐臨安代

恭惟臺下盛名如晝和氣猶春世有聞人蔚矣衣
冠之望家傳清白凜然冰蘖之嚴謂宜玉立乎千
官何尚泥蟠於百里田野之無愁嘆卓茂民庸原
隰而有光華特將使指福星所照凶歲何傷人士
謳歌可但勒碑峴首神僊指點行看造羽天邊某

涉世至迂遇人多慙原之桔槔之妙誤投機械之
危青瑣元班不堪表率玉堂別署豈合從容將問
平某水某丘已駕乎吾車吾馬豈期珍念特賜綺
函惟緇衣之三章貺之玉帛兼華袞之一字許以
歐韓感與媿并意難言盡轉當今日遙企下風視
鷓鴣九萬之程即從足下瞻鴻鵠一雙之瑞已在
目中先片牘以候閭尚三薰而入境其為荷佩曷
勝敷陳

賀諸進士

伏以賢俊彙征上國慶風雲之會衣冠筓屨都人
誇桑梓之榮鉅典式逢初筵肆設恭惟盛世竒才
明堂重器試觀文彩不愧今日科名爭覩儀容可
卜將來事業桃花夾日光搖綵縷之褊褰御柳隨
風香逐驂騑躑躅頽開名酒共醉昌時初試宮袍
香霧傍紅雲縹緲肅趨仙仗霏灑紫氣氤氳謹詹
某日竚候駟駟乘春明而至止行瞻廊廟同泰運
以躋升閭里誇榮喜續醜之故事朝端生色共脩
瓊晏之餘歡伏冀俯臨不勝孔賁

迎山西諸進士

伏以鳳穴未儀爛苞符于日下龍門標峻濯珠錦
于星河藻逸潘花光浮衛玉燁矣絢朝霞于壁水
群然縉翠萼於詞林惟天步方夷正皇階甫闢漢
庭得人為盛廿三年利見九五之辰而晉國天下
莫強十五人追踪二八之彥影華纓而接武燦大
筆以爭輝滿月灣孤正鵠入穿楊之殼長風破浪
花堤看和霧之桃遂使電鋒倏耀於豐城雲轡載
騁於崑圃黃金臺上群空驥北之良碣石館前譽

盡斗南之美鄉人胥慶國士晉室用多卿材謹以
某日之吉靜潔葵樽佇攀鶴馭揚鞭九陌鶯花與
芝蓋齊飛聚德四筵楊柳共春袍一色儼夔龍接
武詎寧俎豆借光宛游夏之升堂兼以綏紳增重
虔馳子墨恪佇前旌

迎學憲啓

伏以台躔輝虎觀光浮五夜之祥綉節下羊城文
振百年之運樂廐定無欵段鄧林悉麗高明雷動
簪紳雲蒸袷袷佩恭惟國寶元忠家承世學五花騰

甲第星之斗而山之嵩六察柄文衡冰斯清而鑑
斯朗風霆運於掌上造化屬在毫端睠爾偏墀敢
云學者之冀北覲茲法駕實乃儒流之指南頌此
邦之敝也俗漸鑿乎顛蒙即士習之靡然文競趨
于軋茁昌黎公起衰濟溺幸見當年歐陽子崇雅
黜浮政需今日頃者檐幃色動海岳聲馳鷲累百
而歸凰快覩風稜於牙府鷗三千而破浪爭後兩
露於龍門在物論以交懽覺私衷爲特甚念某生
聯戚里列在下僚嶺表春風猶是故園桃李社中

卷之四